



Vuânõs

Lappi pue'rrváájjamvu'vdd ta'rkkeemu'vddká'dd 14.12.2023 § 116

Maactõskõjjõs vâlddõsnii'kkid da vâä'rrvâlddõsnii'kkid

Lappi pue'rrváájjamvu'vdd ta'rkkeemu'vddká'dd viiggi čõõđ maactõskõjjõõzz čâhčča 2023 vâlddõsnii'kkid da vâä'rrvâlddõsnii'kkid. Kõõjjõõzz mie'rr leäi čiolgeed, mä'htt ta'rkkeemu'vddká'dd lij o'nnstam ärvvtõõllâmtuâjstes da õhttsažtuâjast vâlddõõzzin di mä'htt ärvvtõõllâmčiolgtõs 2022 va'sttad vâlddõõzz teäđ taarbid.

Maactõskõjjõs lij vue'ss ta'rkkeemu'vddká'dd ärvvtõõllâmtuâj kvalite'ttvaaldšummuž obbvuõđ, juátkjeei kvaliteet'pue'rummuž da ooudâsviikkõõžž. Kõõjjõõzz puäđõõzzid äu'kķeet ta'rkkeemu'vddká'dd ärvvtõõllâmtuâjast da ärvvtõõllâmčiolgtõõzz ooudâsviikkõõžžâst. Kõõjjõ'sse va'stee 38 vâlddõsnee'kk le'be vâä'rrvâlddõsnee'kk (va'steemprose'ntt 33,9 %). Kõõjjõõzz puäđõõzzid čuäjtõ'leš vu'vddvâlddõ'sse vâlddõsinfost 12.2.2024.

Kõõjjõõzz juurdpuätmõõžž vuei'tet e'tkķeed pue'ttinalla:

1. Ta'rkkeemu'vddká'dd lij o'nnstam tuâjstes miälggâd puârast, leäša kvaliteet'vaaldšummuž da ärvvtõõllâmtuâj ooudâsviikkõõžž älgg juä'tkķed.
2. Ta'rkkeemu'vddká'dd da vâlddõõzz kõskksaž vuârvaikktõõzz da saakkummuž älgg lââzzted.
3. Ta'rkkeemu'vddká'dd priimmâm ärvvtõõllâmvuâđđjurddi lie mie'rmeäldla da o'nnstam.
4. Ärvvtõõllâmčiolgtõõžžâst älgg vuâmšed juurdpuätmõõžž da ta'rkkeemu'vddká'dd peä'lestvâlddõõžž čiolgâsvuõđ, fi'tjemnallšemvuõđ da kriittlažvuõđ.
5. Ärvvtõõllâmčiolgtõs älgg äâ'nned se'st jeänab vaajtõsmäinnsaž taimme'tkķõõzzi tu'mmjummuž.

Šuurmõs ooudâsviikkõõžž taarb va'steei vuei'nne õhttsažtuâjast da vuârvaikktõõžžâst vâlddõõzzin. Tõn jeä't kiõččlâsttam lee'd ri'jtteei änn'jõžääi'. Va'steei vue'rde ärvvtõõllâmteäđ tääu'jab ko õõt vuâra ee'jjest. Maactõskõjjõõzzid vâlddõsnee'kk vuei'nne taarbližžen. Va'steei kõõjjõõzz viiggât čõõđ pue'ttiäi'jest kue't vuâra vâlddõspââ'jest.

Ta'rkkeemu'vddká'dd spä'ssbâäšš vâlddõõzz aktiivlaž vuässõõttmõõžžâst maactõskõjjõ'sse.

Liŋkk obb rapo'rtte:

<https://lapha.fi/documents/594637/1355822/Palautekyselyn+raportti+2023.pdf>

Lââ'ssteäđ,

Vesa Puuronen, ta'rkkeemu'vddká'dd saaggjää'dteei

vesa.puuronen@lapha.fi, te'l. 050 320 3434

Riitta Erola, ta'rkkeemjää'dteei

riitta.erola@lapha.fi te'l. 040 537 8271